

續資治通鑑長編拾補

續資治通鑑長編拾補卷二十七

徽宗

大觀元年

案宋史本紀崇寧五年七月壬寅詔改明年元

正月案錢大昕朔閏考是月戊子朔

甲午大司成兼侍讀學士制局編修官薛昂言修整書

畫學畢工額各三十人分爲兩齋從之

紀事本末卷百三十五

安遠軍節度使司空開府儀同三司中太一宮使魏國

公蔡京爲尙書左僕射兼門下侍郎

紀事本末卷百三十一原注云京復

入相必考求其故明著於此實錄當具載制詞乃失不載詔旨有制詞又卷百三十六案方勺泊宅編卷上崇

甯五年長星見蔡太師斥居浙西時事小變士大夫觀望或於秉筆之際有向背語

庚子御筆議禮局依舊於尙書省置局仍差兩制二員

詳議屬官五員檢討應緣禮制可據本末議定取旨

紀事本末卷百三十三案宋史本紀及東都事略正月戊子朔置議禮局於尙書省陳通鑑續編於崇寧四年三月

書置議禮局於尚書省初太祖命孫崇義重輯三禮圖
劉溫叟等撰開元通禮二百卷本唐開元禮而損益之
至景祐中賈昌朝撰太常新禮及祀儀皇祐中王文彥博
撰大享明堂記嘉祐中歐陽修撰太常因革禮元豐中
宋敏求詳定朝會儀注新禮蕃國喪葬禮總百六十三
卷帝以爲未備置議禮局於尚書省命詳議官具禮本
末議定請旨以給事中劉易領其事修宋史禮志云云
大觀初置議禮局於尚書省又云祀禮修於元豐至崇
寧復有所增損蓋初命詳議在四年三月此則再命詳
議並定屬官員數黃葆光傳自崇甯後朝士兼局多葆
光以爲言乃命蔡京裁定京陽請一切廢罷以激怒士
大夫葆光言如禮制局詳議官至七員檢討官十六員
製造局至三十餘員豈不能省一二上副明天子之意
時皆壯之比定屬官爲兩員爲五員當由葆光奏而議
減七爲二減十六爲五也

丁未尚書省言勘會外路當十錢詔不行使路分民間
私有當十當五當三錢並限今來指揮頒到日限一月
納換除官鑄錢以小鈔給還外其私鑄錢計小平錢二
文足或願依中賣銅價者聽並以小鈔給之如限滿不

納入官或限內私相交易者依私鑄錢法施行紀事本末卷百

三十

二月

案錢大昕朔閏已未御筆批道士序位今在僧上

女冠

在尼上正紀事本末卷百二十七案十朝綱要元年

欽二月乙未御批道士序位在僧上女冠在尼上十二

月戊戌詔內外佛寺尚有以道像侍立者並迎歸道觀

王戎議禮局言臣等伏以功成作樂治定制禮國家承

祖宗積累之基陛下以盛德大業緝熙太平視六服承

德之世可謂並隆矣乃者既成雅樂於是又置官設局

講修五禮臣等竊聞孔子稱商因於夏禮周因於商禮

所損益可知然則禮不可以不因亦不可以無損益因

之所以稽古損益所以趨時今去唐虞三代為甚遠其

所制作恐當上法先王之意下隨當今之宜稽古而不
迂隨時而不陋取合聖心斷而行之庶幾有以追治世
之彌文善天下之習俗以成陛下聖治之美意一代之
盛典從之紀事本末卷三十三

甲子詔淮南兩浙應私鑄錢限一季首納限滿不首並

依私錢法其納到私錢並許發赴京畿錢監改鑄御書

當十錢紀事本末卷百三十六案宋史食貨志云時蔡

以京畿錢監所得私錢改鑄尋復京畿兩監以轉運使

宋喬年領之用提舉京畿錢鑄為名喬年鑄烏背渡銅錢

來上詔以渡銅式頒行諸路京之初為折十錢人不以

為便帝亦知之故崇甯四年以後稍更其法及京去位

遂詔諭中外京再得政復行之於是頒行大觀新修錢

法於天下趙德麟侯鑄錄卷二云前世錢未有草書者

淳化中太宗皇帝始以宸翰為之既成以

賜近臣崇甯大觀御書錢蓋襲故事也

己已起居郎劉渙祕書丞胡伸校書郎俞棨並為議禮

局檢討官從詳定官翰林學士鄭居中等奏請也

紀事本末

卷百三十三

乙亥詔復置醫學

紀事本末卷百三十五案原作己亥李直十朝綱要宋史本紀作乙亥是

月戊午朔無己亥依兩書改正錄直各置一員復置醫學年二月十七日詔書盡學論正錄直各置一員復置醫學與乙亥為十八日

與十七相差一日

己卯御筆手詔農為政本今天下承平日久而賦役未

均富者稅輕貧者稅重殆兼并游手豪奪侵漁故歟乃

者神考命方田制地力土宜而均節之以作民職以令

地貢其法詳盡累年於茲未克底績其怠可知可候歲

豐農隙選擇能吏推原法意自近及遠始於一州以及

一路布之四方使民無偏重之患以稱朕意

紀事本末

入案此詔之降從蔡京崇寧三年七月辛卯所請也京劄子三年七月可考畢通鑑於是月書復行方田文獻

通考卷五載大觀二年詔復行方田此詔云可

丙戌鳳翔府虞仙姑授清真沖妙先生二紀事本末卷百

初草大觀元年四月一日詔已差李瓌廣御封香往鳳

翔府太平宮等處道場因就宣召虞仙姑赴闕係親供

到蔡京事迹道教之興自佐街道錄徐知常供元符皇

后符水有驗被寵遇遂薦范致虛作正言致虛以爲紹

述先帝法度非相蔡京不可後有王老志徵廟嘗夢被

召如在藩邸時見老君坐殿上夢覺如王者論上曰汝

以宿命當與吾教上受命而出夢覺記其事是年十一

月冬祀老志亦從上在太廟小次中老志曰陛下昔夢

向記之乎時臣在帝旁也黎明車輅出南薰門天神降

於空中議者謂老志所爲也道教之盛則自此始又育

虞仙姑者年八十餘狀貌如少艾行大洞法一日徵廟

誦大洞經舉首見有仙官侍立者京嘗具飯招仙姑見

大貓指而問京曰議之否此章惇也意以諷京京大不

樂上嘗問仙姑致太平之期答曰當用賢人上曰賢人

謂誰答曰范純樸也上以語虞仙姑亦入此元祐黨矣

遂逐之於是士大夫爭言虞仙姑亦入此元祐黨矣

輝清波雜志卷下云徽宗詔虞仙姑亦入此元祐黨矣

上日已見虞姑耶章惇也京即怪詆而無理翌日京對

貓兒事極可駭

續宋編年資治通鑑二月以學校三舍升貢次第著
爲令諸生自縣教養升之內舍升爲上舍貢之辟雍
自外舍升爲內舍自內舍升爲上舍貢之辟雍
雍登太學俟殿試命以官案王禹偁卷一百二十二
元年二月置國子博士四員正錄各二員與太學官
分掌教導九月國子博士四員正錄各二員與太學官
年備要云宣和三年詔太學辟雍官並諸路提舉學事
諸路以科舉取士罷宗學辟雍官並諸路提舉學事
官又罷見任官帶管勾學事文獻通考卷四十六崇
甯元二年蔡京建請天下皆置郡學或應書人少卽合
二三元州共置一學悉置教授二員縣亦置學州縣
皆置小學推三舍法偏行天下選考升諸州爲州學
生每三年貢人太學爲太學生至則附舍試別立
號考取分三等試入上等補內舍餘爲外舍請諸州軍
以上舍生入下等補內舍餘爲外舍請諸州軍解額各
以三分之一充貢士開封府以貢額任外官者子弟
之不入學者餘盡均給諸州以貢額任外官者子弟
親戚許入學若於法應避所親者聽隨便學於他州
卽不得升補與貢士至太學試中上等或預生舍人
生額解試若所貢士至太學試中上等或預生舍人
多其本貫監司貢士至太學試中上等或預生舍人
太守推賞有差

三月

案錢大昕朔間
考是月丁亥朔

己丑幸金明池賜宰相蔡京等宴

甲午御筆比因改元更鑄大觀通寶錢當崇甯通寶兼
行卽無更改慮致姦人乘茲改鑄造言搖眾可申明行
下俾民聽毋惑監察御史張茂直奏體量得兩浙路容
縱私鑄小平錢起於蘇州自去年六月不行使當三錢
立限令民間赴官納換其知州蹇序辰並不用心拘催
其本路轉運副使孫虞丁等並不檢點按治詔蹇序辰
先次勒停孫虞丁等並先次依衝替人例施行紀事本末卷一百三十六
私小黃錢投委江河不敢復出請令東南州縣督捕加峻
封鍵於關閘中聽民以私錢自投如自首法當三
當五錢舟船開帶者亦多棄之請下諸路撈漚
甲辰詔書畫學並依崇甯四年十二月以前敕令式人
額等其後來裁損指揮勿行紀事本末卷三十五
案甲辰宋史本紀日同東都事

略作甲寅日

詔以八行取士善父母爲孝善兄弟爲悌善

內親爲睦善外親爲姻信於朋友爲任仁於州里爲恤

知君臣之義爲忠達義利之分爲和孝弟忠和爲上睦

嫻爲中任恤爲下原註詔曰學以善風俗明人倫而人

材所自出也今有教養之法而未有善俗明倫之制殆

未足以兼善天下孔子曰其爲人也孝悌而好犯上者

鮮矣不好犯上而好作亂者未之有也蓋設學校置師

儒所以敦孝悌孝悌興則人倫明人倫明則風俗厚風

俗厚則人材成刑罰措朕考成周之隆賓興萬民以六

德六行否則威之以不孝不悌之刑比已立法保任孝

悌睦嫻任恤忠和之士去古縣邈士非里選習尙科舉

不孝不悌有時而容故任官臨政趨利犯義詆訕貪污

無不爲者此官非其人士不素養故也近因餘暇稽周
官之書制爲法度頒之學校明倫善俗庶幾於古一諸
士有善父母爲孝善兄弟爲悌善內親爲睦善外親爲
嫺信於朋友爲任仁於州里爲恤知君臣之義爲忠達
義利之分爲和一諸士有孝悌睦嫺任恤忠和八行見
於事狀著於鄉里者書鄰保伍以行實申縣縣令佐審
察延入縣學考驗不虛保明申州如令一諸士八行孝
悌忠和爲上睦嫺爲中任恤爲下士有全備八行保明
如令不以時隨時貢入太學免試爲太學上舍司成以
下引問考驗較定不誣申尙書省取旨釋褐命官優加
擢用一諸士有全備上四行或全一行而兼中等二
行爲州學上舍上等之選不全上二行而兼中等一行

或不全上三行而兼中二行者爲上舍中等之選不全
上三行而兼中等一行或兼下一行者爲上舍下等之
選全有中二行或中等一行而兼下一行者爲內舍之
選餘爲外舍之選一諸士以八行中三舍之選者上舍
貢入外舍在州學半年不犯第二等罰升爲內舍仍準
上舍法一諸士以八行中上舍選而被貢入太學者上
等在學半年不犯第三等罰司成以下考職行實聞奏
依太學貢士釋褐法取旨推恩中等依太學上等法待
殿試推恩下等依太學中等法一諸士以八行中選在
州縣若太學免試補爲諸生之首選充職事及諸齋長
諭一諸士以八行考士爲上舍上等其家依官戶法中
下等免戶下支移折變倩身丁內舍免支移身丁一

諸謀反謀叛謀大逆

原注子孫同

及大不恭詆訕宗廟指斥

乘輿爲不忠之刑惡逆詛罵告言祖父母父母別籍異

財供養有闕居喪作樂自娶釋服匿哀爲不孝之刑不

恭其兄不友其弟姊妹叔嫂相犯罪杖爲不悌之刑殺

人略人放火強姦盜若竊盜及不道爲不和之刑謀殺

及略賣總麻以上親毆大功尊小功尊屬若內亂爲不

睦之刑詛罵告言外祖父母與外嫗有服親同母異父

親若妻之尊屬相犯至徒違律爲婚停妻娶妻若無罪

出妻爲不嫺之刑毆受業師犯同學友至徒應相隱而

輒告言爲不任之刑詐欺取財罪杖告囑耆鄰保伍有

所規求避免或告事不干已爲不恤之刑一諸犯八刑

縣令佐州知通以其事自書以籍報學應有人學按籍

檢會施行一諸士有犯不忠不孝不悌不和終身不齒
不得入學不睦十年不嫻八年不任五年不恤三年能
改過自新不犯罪而有二行之實者鄰保伍申縣縣令
佐審聽入學在學一年又不犯第三等罰聽齒於諸生
之列紀事本末卷百二十六案文獻通考卷三十一馬
略藝文開取禮部試黜之士附貢恩科其時御史既已
咎其無甄別矣及入行科立專以入行全偏爲三舍高
下不問內外皆不試而補則往往設爲形迹以求入於
入行固已可厭至於請託徇私尤難防禁大抵兩科相
望幾數十年迺無一人卓然能自著見與名格相應者
而入行又有甚弊士子跡地公私交患苦之不能誰何
乃借入行名稱納之學校使其冀望無罰應貢則簡且
自敬而長吏實恐謬舉茲生故甯使之占頗不貢以是
知略實藝而追古制其難蓋如此也據王海卷一百十
六大觀元年三月十八日甲辰詔士有孝悌睦姻任恤
忠和入行貢人太學太司成考驗取旨釋褐又書目有
御製入行入則條一卷又注入月十七日以入行入刑
書刊石立之學宮士以其行之多寡視三舍選
而犯入刑不齒能改過又有二行乃聽入學

乙卯尙書省檢會元豐中先帝追復先王隱兵於農之意詔人戶養馬法未及廣周元祐改革置監放牧馬不蕃息而費用不貲今沙苑一監最號馬多本監牧地九十餘頃草料軍兵監官衣糧俸給以陝西今日物價約計用錢四十餘萬貫而灌啖蜜藥棚井槽屋皮裘之費又一萬餘貫而所養只及六千匹元符元年至二年拋死三千九百餘匹而馬不調習不可乘騎以九千頃之地四十萬之費養六千餘匹而不適於用又拋死之數如此其利害灼然可見見以九千頃地以三分爲率除一分瘠薄外良田不下六千頃以今陝西土田中價計之每頃可直五百餘貫若召人請地二頃養馬一匹

史劉昌祚傳云弓箭手授田二頃使則十口之家得五養有馬者復復增給之謂馬口分地

百貫地利馬得所養不至拋失人必樂趨公私俱獲其

利可以紹述先帝隱兵於農之意欲令永興軍路提刑

司並通判同州朝奉郎張彥專一同其相度措置聞奏

候見實利其六路新邊荒田候拘括到六路亦依此施

行從之紀事本末卷百三十八原注此據平江府錄到

更詳之案文獻通考卷百六十載此疏又云時熙河沙

蘭隍路牧馬司又請兼募願養牧馬者每牧三駒以其

二歸官而一充賞詔行之是歲臣備言岷州應

養馬者至萬餘於是自守貳而下遞實有差

及東都事略丁酉日編年備要云五月上意復向蔡京故

挺之罷後五月卒畢氏通鑑云五月癸丑觀文殿大

學士右神觀使趙挺之卒贈司徒諡清獻

又廬州雨豆案宋史五行志大觀元年三月宣

潤州皆芝草生廬州雨大豆續宋編年資治通鑑繫

四月

案錢大昕朝

戊午詔東輔依舊以襄邑縣漸次

營建其以曹州為東輔指揮勿行紀事本末卷百二十一

月丙戌罷拱州為襄邑縣

壬戌詔江北昨鑄夾錫當五錢其樣制大小類當十銅

錢若或用行姦民趨利染為銅色私作當十難於檢察

宜改鑄當二自今可令計備物料廣鑄當二以足一路

之費紀事本末卷百三十六

續宋編年資治通鑑云四川改行錢引法案續通鑑

編年云此條在三月而編年備要載四月改行錢引

法李重十朝綱要謂改四川交子為錢引在五月甲

午日文獻通考卷九云大觀元年改四川交子為錢

引疑續宋通鑑編年誤脫四月字因繫於三月今依

編年備要附此據文獻通考云自朝廷用兵取隴

西南籍其法以助邊費較天聖一界逾二十倍而傾

逾損及更界年新交子一當舊者四故更張之成都

漕司奏交子務已改為錢引務欲以四十三界引準

書放數仍用舊印從之使人不疑擾自後並更為錢

引通考又云改四川交子務為錢引務更界年新交

子一當舊者四時用兵隴席西南籍其法以助邊費

較天聖一界逾二十倍而償欲損

五月

案錢大昕朝開

己丑呂惠卿責授祁州團練副使

宣州安置以其子淵獲罪上表自劾乃黨庇其子不自

責也

紀事本末卷百三十陸畢通鑑云朝散郎吳師承

蔡京欲因以傳致呂惠卿之罪下其子淵於獄拷答數

千欲因令招伏與懷素謀反淵卒不服得免周輝清波

維志卷下云張懷素舒州人自號落曉野人崇甯元年

入京師大觀元年事敗率引上類一時以輕重定罪者

甚眾呂吉甫蔡元

度亦因是降責

六月

案錢大昕朝開

己未詔不行使當十錢路分限半

年聽民首納私錢

紀事本末卷

庚午御筆令諸州學以御製八行八刑刻石從江東轉

運副使家彬奏請也

紀事本末卷

續宋編年資治通鑑六月建信祖殿於景靈宮案李

璽十朝綱要宋史本紀作王戊日東都事略是月己

資治通鑑長編合編卷二十七

未上信祖徽號曰立道肇基積德起功於文憲武睿
和至孝皇帝本紀又云二年七月庚戌罷建編年備

要云三年
五月罷

京畿大水詔工部都水監疏導至於八角鎮河北京

積水妨行旅轉運司趙官黃導修治橋渠毋使病涉

七月案錢大昕朔閏丙午詔江東福建路監司督州縣

巡捕官於兩界首及相接處捕逐販私鑄當十錢入行

使路分者容縱失察並當加等責罰案宋史食貨志云

淮東重上地農桑強盜之家籍其財以待賞居停鄰保

五均備驗私錢依私茶法給隨行物州常情盜竊賞錢

監司失察不以赦原臣僚上言蘇州壞錢法始於蔡

出序辰渭除名勒停送蔡州羈管而序辰止降三官安

居善郡罪同罰異士論咸疑詔蹇序辰責授單州團練

副使江州安置

紀事本末卷三十六

癸丑臣僚上言伏見侍御史沈畸罷蘇州制勘事於沿

路聽候指揮切以為畸為耳目之官不能盡公究實奏

牘語言自為同異無以副朝廷任使之意又言沈畸去

歲春嘗上封事疵毀朝廷法度意在迎合大臣其懷姦

異意之心可見也詔宣德郎沈畸特降兩官仍展四年

磨勘令吏部與遠小處監當差遣

紀事本末卷三十六

崇寧更法以一當十小民嗜利亡命犯法者紛紛或捕

得數大衙誣以樞密章奏之子繼亡命之所錄也初遣監察

御史張茂直就平江鞠之案上寢不代再遣侍御史沈

畸既至繫者數百人盡釋之閱貴以聞時宰大怒別遣

轅錄竟生刺配籍沒其家沈畸既得罪歸鄉以死張再

遷亦不顯今三十年間沈氏有子登科張氏不復振矣

見九月丙申

續宋編年資治通鑑云秋七月伊洛盜案十

朝綱要宋史本紀乙酉朔日五行志失載

八月案錢大昕朔閏庚午資政殿學士中太一宮使兼

侍讀鄭居中乞以所賜御書八行八刑模刻於石立之

學宮從之紀事本末卷

續宋編年資治通鑑乾甯軍黃河清踰入百里明年

以乾甯軍為清州案宋史五行志作元年八月乾甯

河清本紀載歲末而不書月日今據五行志附此改

清州名在二年三月戊寅日編年備要載明年三月

詔曰國家承平百五十年三有河清之應而乾甯河

清踰入百里凡七晝夜上天眷祐敢不欽承其以乾甯軍為

清州

九月案錢大昕朔閏丁亥詔合鑄當十銅錢路分每文

重三錢令崇甯監疾速鑄樣並錫母申納尙書省頒降

餘依已降指揮紀事本末卷百三十六案宋史食貨志

轉運副使詐天啟推行其法以夾錫錢一折銅錢二每

得用銅八斤黑錫半之白錫又半之既而河東轉運使

洪中半請通行於天下京欲用其言會罷相大觀元年

京復相遂降錢式及錫母於鑄錢之路鑄錢院專用鼓

鑄若產銅地始棄鑄小平錢復用轉運司及提刑司參
領其事衢州熙甯鄆州寶泉舒州同安監暨廣南皆鑄焉

丙申詔東南依已降分數指揮鑄小平錢崇甯監只鑄

當十錢紀事本末卷百三十六案宋史食貨志京畿既

路既而當十錢監乃專鑄當十大錢而小平錢則鑄於諸

依式者及諸司當二見鑄復用舊式改鑄當十錢不

刑部奏蘇州重行制勘所勘到承奉郎西安州簽判章

綆盜鑄事詔章綆除名勒停刺面配沙門島紀事本末

六案續宋編年資治通鑑蔡京謫言官請劉達妻兄弟

蔡京怨劉達官侍達勢往來貿易捕綆下獄竄海島又云

章綆遣開封府尹李孝壽鞠之株連者千餘人強抑使

承死至者甚眾即日決釋無左證者七百餘人歎曰為天子

目司而可傳會權要殺人以苟富貴乎遂聞實平反以

京為地因論其妻兄弟章綆姦濫敗官倚勢建勢盜鑄往

來實易而或以官舟扶帶攝婦託言中書侍郎家屬官司

不敵誰何或謂陛下禁令甚嚴而無輒敢冒法無忌者

遠蔽之也又言章氏公然聚工鑄錢無慮萬緡以三四

生船潛載入京達既出知亳州京從中下其時章經方

乘舟水門掩捕搜索與達往來尺牘執赴平江制獄遣

開封府尹李孝壽監察御史張茂直同勘達繫數千家

持掠手足指服落者不可勝計死則投之檻外其面目

姓名偶同者入獄則死生未可知株連藉延京以孝壽

等制勸減裂未究事實別遣吏鍛鍊而御史沈時被命不

盜鑄意時欲實其言必曲成其獄乃白遣時時被命不

五日遷左正言時乞乘舟往來夜過堰關並許放過乃

差監察御史蕭服同往召孝壽茂直赴關時行未淡日

又遷侍御史京將誘之以利內申時疾馳至姑蘇值春

疫命澠掃獄具京將誘之以利內申時疾馳至姑蘇值春

鞠勒獄具經竄海平反以聞京大怒更用知蘇州孫傑

島時服削官罷管通鑑中書省言崇甯五年上書觀望

者五百餘人禁中悉以焚毀內擇其情重者責李

景直章經黃宰方軫四人案十朝綱要宋史本紀九

月辛亥日續資治通鑑編年脫書九月今依宋史編

次編年備要云詔景直除名編管新州依宋史編

前斷軫宰以他罪鞠治未竟軫尋編管嶺南

-5 100 35 865" data-label="Text">

又大饗明堂奉神宗配案十朝綱

要宋史本紀東都事略作辛亥日

又程頤卒頤崇甯中遷居龍門之南止四方學者日
尊所為行所知可矣不必及吾門頤兄顯嘗言異日
能使尊嚴師道者吾弟也若接引後學隨人才成就
則予不得遜焉其後朱熹論之曰明道德性寬大規
模廣闊伊川氣質剛方文理密察其道雖同而造德
各異案伊川先生外書引紫芝集先生卒於是年九
月十七日庚子積資治通鑑編次

十月案錄大昕初問庚申和賜蔡京君臣慶會閣落成

詩紀事本末卷

乙丑臣僚上言通議大夫提舉崇福宮張商英天資愷
復陰比姦朋包藏邪心大恣欺訕著文刻石譏斥宗廟
交通中貴希求宰輔迫復為鄂守舊憾輒發形於表奏
善政良法妄謂紛更當時雖因言章即解州紱真詞薄
責未快眾情臣愚伏望詳酌特降睿旨檢會前犯正商
英之罪投竄遠裔以為姦人之戒詔商英責授安化軍

節度副使歸州安置英紀事本末卷百三十一

歸州陝西兩州置陝州二年英紀事本末卷百三十一

州續宋編年資治通鑑冬十月蘇

又大雨水案宋史本紀辛酉日

閏十月案朔閏考是戊戌呂惠卿移廬州紀事本末

諸王府翊善方通坐子軫責監當差遣長編卷二百六

九月乙酉安石稱通原注云方通與化人

父諸王翊善通送吏部與監當差遣

錄卷三方通與化人與蔡元長鄉曲姻婭之舊元長薦

之以登要路其子軫宏放有文采元長復欲用之軫聞

之即上書訟元長之過既達乙覽元長取其疏自新云

大觀元年九月十九日敕中書省送司空左僕射兼

門下侍郎魏國公蔡京劄子奏伏蒙宣示方軫意疏一

項論列臣職國社稷內懷不道效王莽自立為司空效

普操自立為魏國公視祖宗神靈為無物玩陛下不畜

若嬰兒專以紹述熙豐之說為自謀之計上以不孝劫

持人主下以謗訕詆誣恐赫天下威震人主禍貽蒼生

風聲氣峻中外畏之大臣保家族不敢議小臣保寸祿
不敢言顛倒紀綱肆意妄作自古爲臣之姦未有如京
今日爲甚爰自崇甯已來交通閭寺通謁宮禁壘國用
則若糞土輕名器以市私恩內自執政侍從外至帥臣
監司無非京之親戚門人政事上不合於天心下悉結
於民怨若設九鼎鑄大錢置三衛興三舍祭天地於西
郊如此之類非獨無益又且無補其意安在京凡妄作
必持說劫持上下曰此先帝之法也此三代之法也或
曰熙豐遺意未及施行仰惟神考十九年閒興章文物
粲然大備豈蔡京不得馳騁於當年必欲妄施行於今日
以罔在天之神靈凡欲奏請盡乞作御筆指揮行則語
士大夫曰此上意也明曰或降指揮更不施行則語人
曰京實敗之也善則稱己過則稱君必欲陛下斂天下
怨而後已豈宗社之福乎天下之事無常是亦無常
非可則因之否則革之惟其當一君所貴何必三代之爲
哉李唐三百年閒所傳者二十一代後世論太宗之治一
人而已當時如房杜王魏智虛才識必不可稱者太宗之
竊觀貞觀閒未嘗一言以及三代後世論太宗之治者
則曰除隋之亂比跡湯武致治之美庶幾成康自古功
德兼隆由漢以來未有識者之所笑也元豐三年廢殿前
說欺陛下豈不爲有識者之所笑也元豐三年廢殿前
以總天下機務落成之日車駕親幸命有司立法諸門
牆窗壁輒增修改易者徒二年京惡白虎地不利宰相

盡命毀拆收置禁中是欲利陛下乎是謂之紹述乎拓
地數千里屯兵數十萬建置四輔郡遣親信門人爲四
輔州總管又以宋喬年爲京畿轉運使密謁兖州父老
詣闕下請車駕登封意在爲東京留守是欲乘輿一動
投閒竊發呼吸羣助不知宗廟社稷何所依倚陛下將
措聖躬於何地臣嘗中夜思之不敢涕泗橫流也臣聞
京建議立方田法欲擾安業百姓借使行之豈不召亂
乎又況數年閒行鹽鈔法朝廷夕故昔是今非以此脫
賺客旅財物道途行旅謂朝廷法令信如寒暑未行旬
浹又報鹽法變矣鈔爲故紙爲棄物家財蕩盡赴水自
經客死異鄉孤兒寡婦號泣斷腸生靈怨歎皆歸咎於
問者爲之傷心見者爲之流涕生靈怨歎皆歸咎於
下然京自謂暴虐無傷奈何仁厚之德涵養生靈幾二
祖宗不馳一騎以得天下萬一有重上之耕夫沛酒之
亭矣四方之民不忍生事萬一有重上之耕夫沛酒之
枝密其禍乎內於一僚皆天下親戚門人將誰爲陛下
乎京乘此時談笑可得陛下之口塞陛下之目耳分爲
見者無日無臣之京士明目張膽思見太平投匭以陳
賊虐忠良天下之士皆以忠義爲羞陛下且全身遠害
不暇何暇良天陛下之士皆以忠義爲羞陛下且全身遠
以忠臣義士爲謗訕詆誣或配遠方或除名編置或不
許齒仕籍以言得罪者無慮萬人矣誰肯爲陛下言哉

蔡攸者垂髫一頑童耳京遣攸日與陛下游從嬉戲必
無文武堯舜之道路今陛下所獻者則曰臣攸上進故欲愚陛下使臣攸不知天下
所獻者則久虛諫院不差不進自除門人爲御史京有反狀
治亂也從而知臣是以知京必反也臣與京皆壺山人
也案議云水達壺公山此時方好正陽之月天意所以
以遠山下聰明者星文謫見西方日正陽之月天意所以
啟陛下於肆恩赦開寺觀避正殿減常膳舉常儀以答天
意止於肆恩赦開寺觀避正殿減常膳舉常儀以答天
戒而巳然國賊尙全首觀避正殿減常膳舉常儀以答天
則神明共憤祖宗含怒在天未聞梟首以謝天下勿謂
乎鼎穀生于朝不害高宗太戊之日久矣陛下勿謂
早不害堯湯之聖古人之事出於通然今年之水七年之
不測天象人情危慄如是伏惟陛下冰已留神聽覽念藝祖
創業之難思履霜之堅冰之悔戒之今日冰已留神聽覽
之漸願陛下早圖之區區爲陛下社下力言者非慕陛下
辭忘萬死叩天閭祖宗之廟社下力言者非慕陛下
而自忘其所重者祖宗之廟社下力言者非慕陛下
也臣一死之言不繫於重陛下殺之可也教之可也
可愛一國賊而忘廟社生靈之下上體天戒之可也
慄之至謹備錄如右臣讀之駭汗若無所容臣以恩
備位宰司不能鎮伏紀綱訖無毫髮報稱徒致姦言干

澆聖聽且人臣有將必誅之刑告言不實有反坐之法
臣若望聖慈付之有司推究事實不可不問取進止詔
軫伏籍流嶺外後竟殂於貶所元長猶用其兄會為侍
制家閒偶存此疏錄以呈太史李公仁甫載之長編當
是時也元長領天下事誰敢言者軫獨能奮不顧身無
勇退回避如此使九重信其言還元長軫得禍俱輕三者備
矣又案揮麈錄謂載之長編然李公軫得禍俱輕三者備
載之不知為正文為小注今姑附此

續宋編年資治通鑑閏月鄭居中同知樞密院蔡京
紀東都事略丙戌日馬居青報京薦之案宋史本
資政殿學士擢通鑑續編云蔡京言樞密左丞居中由
與三省殊無嫌於用親黃經臣力抗前說京言不效
居中疑京不己援遂怨京乃與張康國比而開京都
水使者趙霖得龜雨首於黃河獻以為瑞京曰此小
白所謂象罔見而霸者也居中云首豈有二人皆駭
異而京獨主之殆不可測帝命棄
龜金明池謂居中憂我故申前命
又禁用翡翠案宋

史本紀王寅日

十一月
案李璣十朝綱
丙辰詔自昔皆有尙符璽官今

雖隸門下後省遇親祠則臨時具員訖事復罷八寶既
 備宜重典司之職可令尙書省置官如古之制紀事本
末卷百
 此詔旨無之十四日尙書省乞置內外符寶郎實錄有
 迹本末當檢詳於此出之大觀二年正月御製入寶記
 其略曰我神考以聖德嗣興講修百度考其章未克有就
 典禮爰詔侍臣作天子皇父作子述敢忘厥志觀之載
 永惟盛德世烈夙夜欽翼父作子述敢忘厥志觀之載
 籍祐中有進築國寶文曰鎮國之寶鑲以黃金書以
 篆制作非古工亦不良在紹聖中得受命寶其文曰受
 命于天既壽永昌其玉藍田其制秦也蓋不可以傳示
 將來貽訓後世方參稽憲度自我作古有以古印獻者
 方不及寸鈕以壽龜文曰承天福延萬億永無極有以
 寶玉獻者色如截脂氣如吐虹溫潤而澤其聲清越有
 以古篆進者龍螭鳳翥魚躍鳥流奇偶相生縱橫得所
 有以善工進者龍螭鳳翥魚躍鳥流奇偶相生縱橫得所
 迹四者即備於是揭而璽之乃以受命于天既壽永昌
 之文作受命寶其方五寸有奇以承天福延萬億永無
 極之文作鎮國寶其方五寸有奇皆螭紐互盤篆以蟲
 魚貫以絲紐上圓下方蓋合如契又以元豐所命于
 皇帝行信六璽而下成之通而爲入正月元日端命于

上帝祇受于路寢華夷登聞中外稱慶于以修未備之
典成一代之器願何德以堪之祭條國史後補云國初
創業艱難諸寶多階石爲之元豐詔依方作天子皇帝
六璽有王而未成大觀初得玉工之善者琢之但蓋
篆而己玉亦不大良又元符初得漢傳國璽秦璽乃
藍田王李斯之魚蟲篆也其文曰受命於天既壽永昌
有璽篆考驗而無檢蟬又不可疑其一角缺者乃檢也
國是作受命寶其詳傳於世上有奇時又得古小玉印
寶大將五寸皆爲蟬紐其篆蓋魯公命季兄脩以意
之受寶記言有以古篆進者謂是也名爲鎮國受命
寶合先皇帝六璽是爲八寶乃於大觀二年元日受之
上曰爲之記焉魚蟲篆者始於李斯以古帝王之瑞若
所謂黃帝之大蟬有虞氏又從于闐鳳周之赤烏白魚
其形而爲之篆兩其後又從于闐鳳周之赤烏白魚
國使奉表至故事下學士院召譯者出表諱而後回答
詔其表有云日出東方黑汗王表上日照見四方五百
百國內條貫主師于黑汗王表上日照見四方五百
照見四方天下四方黑汗王表上日照見四方五百
者王自甚是用心只爲難得似阿舅大官家你前
人兩河尋訪纔得似你尺尺寸底便奉上也當時傳
笑久果得之厚大踰二尺色如截脂未始有也上又
制一寶亦蟬紐曰範圍天地幽贊神明保合太和萬壽

無疆凡十六字寶命魯公賦其文篆亦魚蟲然編頗不
古乃梁師成所制至令書思文外庫人為之不知為
何人書也至於所無號之工幾于秦璽矣其寶大九寸其
檢亦九寸用九者焉在政和七年十月二十八日又於
以爲乾元用九者焉在政和七年十月二十八日又於
政和八年元日受之凡兩受寶皆赦天下上日入寶者
國之神器也至於定命寶爲受命所自制者也居常赦
文前後皆翰林學士主之其間事目與行文乃中書門
下諸房排定進呈大觀入寶
故乃魯公所自草故異常故

壬戌詔曰朕承祖宗休烈萬邦作孚典章文物于斯爲

盛永惟受

案二字原脫據宋史與原志增

命之符當有一代之制而尙

循秦舊六璽之用度越百年之久或未大備自天申命

地不受寶獲全玉於異域得妙工於編氓八寶旣成

無前比殆天所授非人能爲顧何德以承之哉夫制而

用之存乎其人天人相因自然之理足以繼志烈考而

傳之萬世可以來年元日御大慶殿恭受八寶

紀事本末卷百

二十入案茶條鐵圍山叢談卷一云天子之制六璽元豐間得玉矢行製而未就至大觀時始成之然璽篆也又元符初得漢傳國璽曰鎮國璽又自倣為悉魚蟲篆也號傳國璽曰受命寶璽曰鎮國寶合天子之制六璽是為

寶八

癸亥御筆議禮局禮當追述三代之意適今之宜開元禮不足為法今親製冠禮沿革十卷付議禮局餘五禮令視此編次紀事本末卷百三十三

乙丑尚書省言唐八寶鎮國以承百王傳國寶修封禪禮神元皇帝行寶答王公疏皇帝之寶勞來勳賢皇帝信寶以召臣下天子行寶答四夷書天子之寶慰蠻夷天子之信寶發蕃國兵今御寶禁中已有常用之寶所用至多不可改移欲鎮國受命寶皆寶而不用惟封禪則用之皇帝之寶答鄰國書則用之皇帝行寶降御札則

用之皇帝信寶賜鄰書及物則用之天子之寶答夷國
書則用之天子行寶封冊則用之天子信寶舉大兵則
用之餘用常用之寶從之紀事本末卷一百二十八

續宋編年資治通鑑十一月壬子朔日有食之案宋史本紀蔡京等以不及所當食分率羣臣稱賀遼史不書契丹國志同宋史

十二月壬午朔

案錢大昕朔閏考是建州浦城縣丞徐

秉哲遷一官以縣學生係籍者千餘人此一路最多秉

哲實專考校事提舉學事司乞加優獎故有是命紀事本末

卷百二十六案文獻通考卷四十六詔縣學生三歲不赴升赴者除其籍諸路賓興會試辟雍獨常州中選多

者知州教授御筆八行之士所在皆得以名聞不限

在學不在學令學制局申明行下行提舉福建路學士

陳汝錫奏請崇甯四年正月庚子朔中丞何執中言竊

問邇來諸路以八行貢者如親病割股或對佛燃頂或刺臂出血寫青詞以禱或不茹葷常誦佛書以此謂之孝或常救其兄之溺或與其弟同居十餘年以此謂之悌其女適人貧不能自給取而養之於家爲善內親又以壻窮窶取而教之爲善外親此則人之常情仍以一事分爲睦嫻二行常一遇歉歲率豪民以粥食飢者而謂之恤夫粥食飢者乃豪民自爲之而已獨爲之恤可乎又有嘗收養一遺棄小兒者嘗救一跛者之溺以爲恤如此之類不可遽數伏願下之太學俾長貳博士考以道義別白是非澄去冒濫勿使妄進申飭天下郡縣長吏及學事司審察考驗要皆得行實有其人則必公舉無其人勿以妄貢務在奉承詔旨不失法意而已從

之紀事本末卷

庚子司空左僕射兼門下侍郎蔡京為太尉

紀事本末

一、案宋史本紀是日並進何執中以下官二等通鑑續編書置野南路加蔡京太尉畢氏通鑑云京平允從觀宜柳融九州蔡京以功加太尉畢氏通鑑云京平允從觀宜柳祖道為刑部尚書祖道在任四年厚以官爵金帛挑諸夷建城邑調兵鎮戍徵輸內地錢布鹽粟無復齊限地庫衛成者上亡五十六賈無尺土一錢布鹽粟無復齊限地轉運副使張莊與祖道表裏遂以代其任祖道莊既鑿空超取顯美由是貶恭孫趙過程達相與效之邊壤益多故矣

續宋編年資治通鑑十二月置黔南路拓地數千里塞外諸蠻悉已納土時雖建城寨而其地荒瘠遺兵守戍茂茂有死亡無賦可入皆犖內地金帛輸之案十朝綱要丙申日宋史王祖道傳徽宗謂其論事無足行依阿苟容出知海州拜祖道欲乘時徵富貴誘王江龍圖知桂州蔡京開邊祖道欲乘時徵富貴誘王江首楊晟免等納土夸大其詞言向募者百三十峒五千九百家十餘萬口其旁通江洞之眾尚未論也王江在諸江合流之地以武臣為守置溪峒司主詔以為懷遠軍且頒諸司使至殿侍軍將告命使第補其

首領置二些爲立學又言黎人願爲王民得地千五
百里送以安口隘爲允州中古州爲格州增提舉溪
洞官三員又言羈縻知州羅文城文州羅更宴蘭州
韋宴開那州羅更從皆內附請於黎母山心立鎮州
爲下都督府賜軍額曰靜海築懷遠軍并允地文蘭
那五州置黔南路權祖道顯謨間待制進龍圖閣直
學士召爲兵部尙書附二年始知開邊拓地實知桂州
王祖道妄誕之罪京附和之乃追貶王祖道爲散官
王祖道傳又云獠黎渠帥不勝忿蜂起王祖道爲新萬
安軍及觀州殺官吏初祖道未徙城時言黎人代木
助役及是詔問不能對京庇之猶除端明殿學士知
復州復以刑部尙書召大觀二年卒贈宣奉大夫祖
道在桂四年厚以官爵金帛挑諸夷建城邑調兵鎮
戍輪內地錢布鹽粟無復齊限瘴癘戍者歲亡十五
六實無人地一民益於縣官京皆自以爲功至謂混
中原風氣之殊當天下與圖之半張商英爲相治其
誕妄追貶昭信軍節度使京再輔政復之又案宋史
本紀云三年三月壬戌併京西南入廣西路四年五月
壬戌改廣西路爲廣西路癸亥治廣西妄言
招地舉追貶帥臣王祖道爲昭信軍節度使通鑑
續編亦云三年三月併入廣西路續資治通鑑編年
作二年疑誤編年備要云廣西路經略王祖道說誘主
古江三州苗首楊晟免等納土遂城之爲鎮州蔡京言
州又措置南海諸寨城之爲鎮州蔡京言祖道所奏

牂牁夜郎納土周二千餘里又有文地蘭那安外習
等七州亦納土七千餘里計三十縣入十縣利戶四
萬一千率百官賀曲赦廣西蔡京以下建官有差以
是祖道又奏收南丹州遂以丹州爲觀州又建庭孚
二州拓地數千里

續資治通鑑長編拾補卷二十七

錢唐王崇鼎輯注

續資治通鑑長編拾補卷二十八

徽宗

大觀二年正月壬子朔受八寶于大慶殿大赦天下

本末卷百二十八(案)蔡條鐵圍山叢話卷一云大觀戊

子元日受八寶六赦如罷重法分宗室降班行寶刑名

寬黨錮凡數十事王海卷八十四大觀元年御大慶殿受

國元符受命二寶不用二年正月壬子朔御大慶殿受

入寶注置符寶郎四員錄門下省二員以中人掌寶於

禁中內外各二員親製入寶九鼎記後又從于闕得大

玉踰二尺又制定命寶赤螭紐文曰範園天地幽贊神

明保合太和萬壽無疆篆以魚蟲其寶九寸檢亦如之

合前八寶為九以九寶為稱御製

入寶記見元年十一月丙辰原注

已未太尉左僕射兼門下侍郎魏國公蔡京為太師

本末卷百三十一

癸酉詔當十錢與小平錢官庫並合中半支遣訪聞近

日支遣當十錢數少慮日後大錢漸少阻礙中半支遣

一

指揮可令江池饒州上供錢監將合鑄小平錢所得銅料依舊樣制並鑄當十錢起發上供餘監依舊宋紀事本末卷百

三十一當十五分鑄小平錢宋史食貨志以

露降侍郎屢延福宮所奏竹生紫符瑞原注京等奏甘
連理御筆曰昨日仙鶴三萬餘隻盤旋雲霄之上京
又奏有仙鶴數萬隻蔽空飛鳴又奏建州竹生花結
成稻米搬入城市貨糶所收數十萬碩又奏稷縣生
瑞穀安化縣生芝草都計五萬本汶州生碼碯山子
一百二十坐及諸州雙頭蓮連理木甘肅降仙鶴集
雙爪雙頭芍藥牡丹凡五千三百種有奇拜表稱賀
又言冀州黃河清汝州牛生麒麟六十二處降甘肅
二十處木皆連理二處祥雲見三處見毫光祥煙手
詔云金芝產於艮嶽萬壽峯宜改名壽嶽蔡京導主
上酷好祥瑞而李鯨以竹釘豎芝草於蟾蜍背以獻
及至一夕而解故釘猶存桀子野進嘉禾則以膠鞋
紙覆皆不之罪范齊許稱牛生一物今已被村民壞
了竊慮即魃也程祈言扶邦彥家收得異禽恐鳳
凰也此等無根之語不可勝數天大雨雪都城平地
八尺飛鳥盡死九街水滑人馬莫行臘月之雷京等
指為瑞雪三月之雪以為瑞雪拜表稱賀作詩贊詠

災異不書其視天變曾不若童稚之可侮盡本安石之言謂天變不足畏噫自古物以罕見為奇豈有芝草五萬本而仙鶴數萬隻竹生米數十萬石以為祥瑞此等誑誕之語君臣同為誣罔豈不貽笑於後世哉案薛氏畢氏通鑑均附王子綱

又童貫加武康節度熙河等路宣撫內臣建節始於此五月加檢校司空易鎮秦甯貫由此恃功稍專政軍選置將吏皆取中旨不復關朝廷案宋史本紀已未日東都事略作丙子日編年備要云其後楊戩藍從熙譚種梁師成皆踵之凡內侍寄資一切轉行祖宗之法蕩然矣

又河東北起遼州北平之閒河東北堅動兩路帥府羣盜李勉起遼州北平之閒河東北堅動兩路帥臣憲臣皆舉去至出臺郎督捕之編年備要云殺巡檢趙贊馬珪及官兵甚眾文獻通考卷六十七大觀四年詔河北河東羣盜所經歷州縣及十次以上知縣降一官衛替縣尉降一官勒停不及十次知縣充替縣尉勒停

二月案錢大昕朔間丙戌安化軍節度副使歸州安置張商英峽州居住百三十一紀事本末卷

日李直十朝綱要甲申詔分曹建採先自四輔始次

行之路

又建徽猷閣藏哲宗御集案岳珂愧郊錄卷十四二

月十三日宋史本紀甲午午日因置學士直學士待制

官李攸宋朝事實大觀二年二月十三日詔曰朕惟

哲宗皇帝英文睿武神機獨運道與時俱沈潛無方

然事天治人彰善癉惡訓迪有位褒卻四夷則號令

指揮若揭日月蓋自親攬庶政始大有為一話一言

罔不儀式刑於神考之典故緝熙紹復著在簡編與

熙寧元豐之於所行相為終始比命有司廣加哀輯成

書來上本末粲然誠可傳無窮施罔極矣然昔祖宗

述作皆有寶藏之所參列廣內揭焉嘉名擇儒臣以

資訪納令將祇率成憲匹休前烈則夫名出于信不

可無所考也在詩有之君子有徽猷喻德之美而親

道之成于是乎在其哲宗皇帝御集建問以徽猷

為名仍置學士直學士待制政和六年增置直閣

三月考是月辛亥朔庚申詔以金錄靈寶道場儀範四

百二十六部降天下道觀處令守令選道士依法奉行

紀事本末卷

百二十七

戊辰門下中書後省左右司言檢會今年正月一日赦
書元祐之初姦臣乘間得罪放廢言念歲月之久屢更
赦宥懷姦睨睨報怨不已公肆詆誣罪在宗廟朕不敢
貸其尙及貶所或情輕法重例被放棄或非身自犯因
人得罪止緣貪冒附會朋比或志匪誣謗言有近似或
緣辨理語涉譏訕或止因職事偶涉更改凡此之類可
據原貶責罪犯審量其情分輕重等第取情理輕者與
落罪籍特予甄敘差遣今將原編類冊內依詳赦文先
次看詳到孫固陸佃王存蔣之奇趙瞻安燾顧臨張問
朱師服錢勰王欽臣楊畏李之純王汾馬默周鼎向級
李昭玘歐陽棐陳察梁士能楊彥章李賁鍾正甫許端
卿趙彥若賈易姚勔呂希績歐陽中立葉伸陳郛朱光

裔蘇嘉吳傳常立李茂直司馬康都貺鄧忠臣廖正一

呂希哲秦希甫張耒杜純四十五人詔除孫固安燾賈

易外餘並出籍尋又看詳到葉祖洽郭知章上官均朱

紱种師極錢景祥等六人詔並出籍紀事本末卷百二

月十九日可考初草王珪孫固出籍在四月十三日

今不取實錄並不載黨人出籍事甚無謂也辛未詔不行使當十當五當三錢路分將朝廷封樁及

提舉司當十當五當三錢並限一月起發赴大觀庫據

數撥還紀事本末卷

續宋綱年資治通鑑三月遣內侍譚稹使舒江潯揚

揚等州

四月辛巳朔案據錢大昕朔御筆追述先王寓馬於農

之意募人給地免租牧馬行之期年熙河類見就緒凡

縣鎮寨關堡官衙內並帶兼管勾給地牧馬事佐官同

管勾庶使人人各知任責

紀事本末卷百三十八

甲辰童貫遣統制官辛叔獻馮璫等復洮州

紀事本末卷百四十

五月庚戌朔

案據錢大昕朔閏考增朔字

提舉京西南路學事路瑗

言臣所領八州三十餘縣比諸路最爲褊小管學舍乃

至三千三百餘區教養生徒三千三百餘人贍學田業

等歲收錢斛六萬三千餘貫石竊計諸路學舍生徒田

業等錢斛之數何翅數百萬此曠古所未有也詔有司

總會諸路州軍縣文武大小學生并學費所入所用實

數具圖冊上之御府副在辟廡仍宣付史館從之

紀事本末

卷百二十六案原附庚戌畢鑑作辛亥日

御筆給地養馬之法雖已推行

而地之頃畝尙多訪聞多是土豪侵冒百不得一今遣

官括地限一日起發親詣地所如違及不實不盡杖一

百故隱落以違制論紀事本末卷

辛亥御筆道門近添試經撥放年額女冠舊止三十人

可增作七十人內京畿三十人諸路四十人紀事本末

七原注紫條國史補道家者流篇政和初上有疾跡百

日利康後一夕夢有人召上乃一宮觀爾即有道士二人

為賓相焉遂至一壇上曰汝以宿命當與吾教上再拜

受命而還二僧相者復導上而去及寤作記良悉嘗遣

使示魯公魯公時猶責居於杭也始大修宮觀於禁中

即舊奉天神所在玉清陽和宮玉虛殿羽人以歲時入

內講齋雖事親制步虛樂章調其音聲焉而道家遂謂

上為赤明和陽天帝然上肅祇神祇所

崇者祀事而已亦未有如少君樂大者

壬子案宋史本紀誤作壬戌東都事略作谿哥城王子

臧征撲哥降復積石軍紀事本末卷百四十原注青唐

有結壇麾錢者帥羌兵萬餘逼峽寨而屯官軍即

攘卻之繼而圍大通城宣威城順甯寨連彫山一帶叛

光封趙懷德為順義郡王昭化軍節度使河以南入寶恩
改封趙懷德為順義郡王昭化軍節度使河以南入寶恩
五月河童貫奏四月二十二日臣遣觀察留後賜名趙懷忠
等統大軍自岷州入洮州南境逼魯黎諸族其首領于
臧征拒官軍以蕃字與臣其辭倨甚及谿哥城偽王結
之諸羌駭散遂具版築城洮州招納洮州一帶蕃部命
禪將潛率輕騎破所其城前鋒奄及滅征僕哥不服鞍
而騎奔丹寅嶺盡獲其號箭旗鼓及滅征僕哥不服鞍
撫其部族又遣統制官劉法張誠王亨白循化城焦用
誠陳迪白郎州分兵兩路劉法張誠等盛兵威於前焦用
等構其巢穴及令隴右都護劉仲武於谿哥城對岸撤
逋谷結橋過師以令隴右都護劉仲武於谿哥城對岸撤
以恩信緣谿哥城皆懷德部王趙懷德以兼錢黨征立滅
撲哥收所聚乃以銀緡鞭遺懷德為失魯黎結壇之援窮
迫不知所為乃以銀緡鞭遺懷德為失魯黎結壇之援窮
城以候官軍之來五月三日遣其弟奎所降之信留谿哥
頡微斫金等來納款臣以其日遣諸將至谿哥城受滅
征僕哥降復谿哥為積石軍蔡京率百官稱賀詔曰昔我
征僕哥降復谿哥為積石軍蔡京率百官稱賀詔曰昔我
神考肇開武勝疆聖西陲惟官一等仍賜蔡京復分置一
道以總其名顯不聖謨蓋示必取朕克篤前烈告成厥
功遠徹河源奄有積石名王繫項版築一新壘乘載塗

民周告病眷茲碩畫實賴相臣若非斥去羣疑曷由發
揮先志威馳塞外虜在目餘依轉官思數初滅征撲哥
可待許奏補一子一孫官城邊吏謂能動眾心必爲邊
患重賈欲實其居遂會諸路進兵仍遣劉仲武取裕哥
城破征撲哥禽邊吏張大其功過爲緣飾以金紙糊桶爲
兵也泊就禽迎降并女弱才二十人而已初未嘗有
頭冠木椅爲胡牀淺紅綳爲傘種種苦非羌物滅征撲
哥至京師授正任國練使鄧州拿種尋死於鄧州認撲
五月至十二日童貫奏奉敕宣撫熙秦兩路指及河南一
石軍洮州并熙州遵依御前處分朝旨統制張木路經
略使姚雄隨臣赴河州及差劉法充都統招張誠王亨
充統制姚雄隨臣赴河州及差劉法充都統招張誠王亨
遣順義部王超懷德前道前進收復積石軍招納子部族
撲哥及裕哥一趙懷德前道前進收復積石軍招納子部族
兵前去收復洮州及招納洮州一帶辛叔獻馮壠統制將
護劉仲武領人馬於裕哥合對岸一遺權通右都
口修橋及臣密授方略令相度乘機招納已收復積石
次據劉法趙懷德辛叔獻劉仲武等中到漢并招納裕
洮州及招降部族並各安帖住坐見行興工修築契勘
哥洮州一帶部族並各安帖住坐見行興工修築契勘
先奉聖旨今後立功之人限三日充濟事功宜被賞典伏
官等悉能上體聖意究心宣力克濟事功宜被賞典伏

望聖慈特賜詐酌先次一等優異推恩所貴有以激勸
劉仲武傳仲武知西甯州童貫宣撫陝西議欲招誘王
子臧征撲哥收積石軍積石與西甯接壤仲武諸貫計
事曰大兵入境賊窮走夏國路由西甯可掩捕欲降或
招納或深入巢穴可乘其便河橋功力未易辦可不預
具若乘命待報則失機會奈何許以便宜威征撲哥固
欲降西一子為質仲武即遣子錫往而河橋亦成仲武
以兵渡河挈偽降王以歸獻捷宣武司贊掩其功止錄
河橋之勞仲武終不白言後上遣使持金醴賜先得積
石軍招納降王者使者訪其實以醴授仲武召對上慰
勞久之曰高永年失律以不用卿言招納降王撫定河
南皆卿力也仲武謝問幾子曰九卿言以招納降王撫
閭門祿侯餘悉備三班借職復知西甯州政和元年十
二月九日自西甯改秦州葉夢得云甯州附注三年二
二月二日案三年二月二十二日附注云甯州附注三年
考岳珂程史載葉夢得事附丁巳員加檢校下
乙卯葆真觀沖和先生劉混康特贈大中大夫

二十七年末紀事本

丁巳中太一宮使武康軍節度使提舉龍德宮熙州蘭
湟秦鳳路宣撫司童貫為檢校司空奉甯軍節度使賞

西甯州童貫為檢校司空奉甯軍節度使賞

收復積石軍洮州降王子臧征撲哥之功也

紀事本末

原注正月二十五日初建武康節三年二月二十二日
加檢校復鎮洮軍節度使不受實錄創此不載合依
旨增修累歷在十六日更詳之或移見於十六日
珂提史卷四云童貫以左瑤幸大觀開緣開邊功建武
康節公言弗與而莫敢獲也其三年二月將行復洮
州賞石林葉少蘊在在北門徽閣當遂為使相權當
不能自檢校司空奉節度進司長頗愧於眾論丁酉
苑奉詔制出告廷鄭華原素不樂少蘊摘詔語貫曰
內翰欺公至託王言以寓微諷貫問其故華原曰首
有云降香則當曰將命之臣宜懋旌勞之賞凡今內
小官降香則當曰將命之臣宜懋旌勞之賞凡今內
則用旌勞公以兩府故事為宣麻詞乃爾是以黃門
待公也又其末云若古有訓位事惟能德因敵以爲
懷於以制四夷之命賞賈功而輕重是將明入柄之
尚書問官分明上而重之語亦以公之功止於此不
句謂公非賢初垂誕誕之語亦以公之功止於此不
直醴賞也貫初垂誕誕之語亦以公之功止於此不
歸質諸館賓俾字字解釋而已聽之其言頗符則大
泣訴於祐陵納告惕上竟不職領洞霄洞少蘊得君
龍學出少蘊汝州繼又落職領洞霄洞少蘊得君
以陰事始克去之華原意以軋巽已不知適以張聞
宦

之威也少藹自志其事竊據錢氏四史朔閏考按之大
二年加檢校司空奉甯節度三年二月乃二月二十二日也
洮蓋第二次行復洮州賞紀事本末佚三年二月二十
二日丁酉事
今姑附此

壬戌詔臨洮城依舊為洮州
紀事本末卷百四十案編

應軍西甯州為賓德州鄭州為防禦州洮州為團練州
文獻通考洮州領縣一臨潭唐末陷吐蕃號臨洮城元

符二年得之尋棄不守是
年復仍為州三年陞團練

丙寅
詳載元豐五年正月辛亥四月戊寅元祐五年十
一月壬申詔定佩繫金魚制度原注均云大觀二年五

崇甯二年七月二十五日云紹聖元年十一月十二日又
俱佚案岳珂愧郊錄卷十二云大觀二年五月十七日

詔中書舍人諫議大夫待制殿中少監許繫紅鞵犀帶
更不佩魚蔡條鐵圍山叢談卷二大觀初魯公進師臣

後又弟邊功賞無官可遷時當亡意嚮有魚水之歡遂
以玉帶賜之其錫乃排方玉也排方玉帶近乘輿所御

于是魯公惶懼力辭不能得因誦韓退之詩不知官高
卑玉帶縣金魚計人不能得遂請改制為方圍帶而佩

廣資治通鑑長編合補
卷二十八
七

金魚焉又見
下甲午日

戊辰左正議大夫知樞密院事張康國為右光祿大夫

左銀青光祿大夫門下侍郎何執中為金紫光祿大夫

左正議大夫中書侍郎梁子美尚書左丞林攄案本紀三年戊

龍寅同知樞密院事鄭居中並為右光祿大夫以收復洮

州谿哥城推賞也紀事本末卷百四十

己卯以收復洮州及谿哥城偽王子臧征撲哥降命戶

部侍郎洪中孚奏告天地宗廟社稷紀事本末卷百四十

續宋編年資治通鑑夏五月庚戌朔日有食之案宋史及本紀月日同逮史不書

六月案錢大昕朔閏甲午案薛氏畢氏通鑑均作五月

城事賜蔡京玉帶金魚紀事本末卷百三十一原注云

也唐裴晉公平淮西憲宗賜以玉帶公進表云御府之珍

先朝所賜既不合將歸地下又不合留在人間先朝熙

南中取熙河蘭湟會洮岷數郡神宗用唐故事以玉帶賜王安石只繫三日附表云賜更厚於解衣報敢忘於結草大觀中蔡京賜玉帶遂為常服其後童貫宗正仲忽宣元后父鄭紳皆賜既得燕地王黼亦賜並為常服案玉海卷八十六大觀二年五月乙丑賜宰臣京排方玉帶或誦韓愈詩有玉帶垂金魚之句京請佩金魚遂為故事殆京請在乙丑而賜佩金魚在甲午也續宋編年資治通鑑童貫復洮州谿哥城奏至百官稱賀以玉帶賜京京請佩金魚據趙與時賓退錄卷一云熙寧間魚以別嫌詔并以玉魚賜之王明清揮塵錄謂玉帶為朝儀始此其後嘗賜王安石安石力辭不從不得已受詔次日即釋金魚以至徽宗朝以賜蔡京京自請佩金魚以之自別於諸王

戊戌門下中書後省左右司除節次看詳中納孫固等六十人外今依赦看詳到韓維楊康國趙鼎鮮于侁龔原董敦逸呂希純岑象求孔武仲葉濤唐義問余卞宋保國李深陳祐商倚李之儀范正平李社韓治曾紆黃隱馬諗王履任濬趙希德郭子旂劉延肇錢盛吳休復

崔昌符李遇李玩吉師雄趙希夷王庭臣高士權李永

王獻可案畢鑑李嘉亮姚雄潘滋高茂華滕友張溥梅

君俞楊瓊寶林膚彭醇呂彥祖陳唐盟王守曹興宗高

公應黃才江公望黃安期梁俊民王貫張集鹿敏求李

賁高士育逢純熙趙令畸倪直孺沈千宋壽岳侯顯道

趙越周鶚蕭利高遵裕劉渭楊琳鄧允中董祥王交楊

肱于肇劉勃許堯輔謝潛張夙何大正張裕洪芻鮮于

綽李積中馮百藥衮公適李新許安修等九十五人詔

並出籍紀事本末卷百二十四原注詔旨故事三月二

謂九十四人其一人蓋長編逸去云據黨碑三百九人

於侯顯道下脫去周遵道疑此亦脫周遵道未敢臆增

丙午議中散正議光祿銀青光祿金紫光祿大夫並置

左右進士出身及帶職轉至左朝議中散大夫散為二

資餘人轉至朝議中散分左右字為四資以上各理七

年磨勘其正議至金紫並分左右應令官已及此者悉
加之日原注實錄云非先帝官制也大觀二年六月二十
七日丙午又改此制又長編卷四百三十五元祐三年
十一月庚午三省言寄祿官原注云紹聖二年四月三
日戊辰除銀青光祿正議朝散中散大夫存左右字大
觀二年六月二十七日出官六資當卽此制案原文已佚據
編年備要云六月十七日丙午又改此制案原文已佚據
程大昌續演繁露卷一則大觀二年以元豐改制有未盡
者如寄祿官不分左右則敘爵制祿等級希少人易以
及遂自朝議大夫至金紫則敘爵制祿等級希少人易以
光祿大夫正奉大夫代舊銀青光祿大夫通奉大夫代右
大夫中奉大夫代左中散大夫通奉大夫代右中散大夫
而中別立武選郎新名洪适容齋三筆亦載此事編年
備要於元祐三年二月下附注云崇寧四年詔中散正
議光祿銀青光祿林燕語卷四云官制兩資應轉者先右而後
左葉夢得石林燕語卷四云官制兩資應轉者先右而後
夫與光祿正議中散朝議皆分左右朝議中散青光祿大
人皆超右其餘並以序遷大觀中余爲中書舍人奉詔
以爲非元豐本意下擬定釐正乃參取舊名以奉直易
右朝議中奉易左中散通奉易右正言正奉易右光祿
宣奉易左光祿而右銀青光祿大觀二年正奉光祿大
爲定制岳珂愧鄉錄卷十云大觀二年除去中散大夫
左右字特贈中奉以代左中散大夫李璣十朝綱要丙

午增置光祿宣奉正奉
正議通奉通議六階

戊申三省檢會大觀二年正月一日敕書內一項應元

祐黨人不以存亡及在籍可特與敘官勘會前任宰臣

執政官見存人韓忠彥蘇轍安燾

原注云安燾此月十四日已卒三省檢會

蓋在此前

身亡人文彥博呂公著呂大防劉摯曾布章惇梁

燾王巖叟李清臣范純禮黃履詔見存人與復一官太

中大夫提舉崇福宮韓忠彥可特授通直大夫降授朝

散大夫蘇轍可特授朝散大夫中奉大夫提舉鴻慶宮

安燾可特授中大夫故降授太子太保潞國公文彥博

可追復太子太保故追復左光祿大夫呂公著可追復

右銀青光祿大夫故追復太中大夫呂大防可追復通

議大夫故追復朝請大夫劉摯可追復朝議大夫故太

中大夫曾布可追復通議大夫故追復朝散大夫梁燾
可追復朝請大夫故追復宣義郎王巖叟可追復宣德
郎故追復左中散大夫李清臣可追復中大夫故追復
左朝議大夫范純禮可追復左中散大夫故追復中大
夫黃履可追復太中大夫紀事本末卷百二十九日
詔付議禮局承平百五十年功成治定禮可以興而彌
年討論尙或未就稽古之制適今之宜而不失先王之
意斯可矣防民範俗在於五禮可先次檢討來上朕將
裁成損益親製法令施之天下以成一代之典紀事本末卷百

三十

續宋編年資治通鑑六月瀘南夷納土詔以爲珍州
九月黔南安化上三州及南恩州諸峒并湖北辰靖
州諸蠻及涪州夔州南平軍夷人並納土幅員二萬
九千餘里蔡京表賀案宋史本紀事在六月乙酉宋

朝事實卷十九大觀二年大駱解上下族帥駱世葉

駱文貴等獻地東西四百五里南北三百五十一里

以其地為珍州亦曰樂源郡復立樂源縣為州治珍

州本善珍州後屬高州樂源縣本唐珍州屬縣又云

贊平帥任漢崇獻地東西三百五十九里南北六百

六十五里改為承州領綏陽都上洋川甯夷等縣都

上近黔州甯夷近思州南平蕃帥楊文貴獻地東西

百二十里南北六百一十二里以其地為遵義寨據宋

史本以涪夷地為承州在三年正月丁卯

又任氏為昌州盧氏婦夫死十年夫之別居親兄強

通之任不能制自破其陰以死獄上封旌德縣君

八月案錢大昕朔閏庚辰河北西路提點刑獄許良肱

張叔元轉運判官張輦各降一官坐失於禁戢本路小

民以藥染擦夾錫錢如銅色與當十錢混淆故也紀事本末

卷百三

續宋編年資治通鑑置保州乾宗院以處翼祖後宗

室也案宋史本紀八月己亥置續陽年通鑑脫書八

月字今依宋史編次保州在河北西路崇甯四年陞

為慶源軍節度據李璣十朝綱要作崇宗院宋朝事

實卷十八云尚書右僕射蔡京等言熙寧詔書宗室
之法蓋以下許隨處置產其出官即置田宅一如外官
室舊來在官有出入之限有不許外交之禁宮門有
稽察之令疏屬外居僅徧都下出入無禁交遊不節
往往冒犯法禁伏請非親免親以下兩世欲分于西
京南京近輔或沿流便近止各隨州郡大小創制
武臣一員管幹參酌在京院法禁可施行者頒應無
父母兄弟見任將軍副使以上官者聽從便依外官
任法量給舟船接人或無而不願者聽從便依外官
爲尚書右僕射在崇寧元年至大觀二年爲尚書左
僕射宋朝事實載此疏爲右僕射蔡京或此疏爲崇
寧元年時所上也大觀二年京已爲太尉左僕射又
玉海卷百十二大觀二年八月三十日詔曰大司徒
以六德六行教萬民而熙氏之教國子則三德三行
而已詳於訓士略於治親崇寧教養宗子法倣時雍
太學宜參酌輕重降於
內外之法使易以跂及

九月

案錢大昕朔閏
考是月戊申朔

乙丑

詔諸路州學有閣藏書皆以

經史爲名方今崇八行以造多士尊六經以黜百家史

賜名據能改齋漫錄卷十三作三年九月乙丑二字誤

三宇文獻通考卷三十一馬氏論曰按尊經書如史學

廢詩賦此崇甯以後立科造士之大旨其論似正矣然

經之以所以尊者以有通鑑蘇黃之調唱也羣檢借正論

以成其意豈真以爲六籍優遷固李杜哉

續宋編年資治通鑑冬十月以石公弼爲御史中丞

案編年備要云公弼自左史遷祭京日國朝未有旨

左史除中丞者上曰公弼嘗爲御史矣蓋是時有旨

斥賣元豐庫物帛有司以朽壞賤估計百官分賣公

弼得分券論罷之宰相已取萬匹即

日繳納故京于公弼除命非所欲也

十一月丁未朔案據翔閣字詔措置解州所種鹽數過舊

額除已推恩外提舉夫役并應辦官等六十人轉兩官

減磨勘三年二年一年有差紀事本末卷

辛酉兵部尚書議禮局詳議官薛昂奏有司所用禮器

如尊爵簠簋之類與士大夫家所藏古器不同蓋古器

多出於墟墓之間無慮千數百年其制作必有所受非
偽為也傳曰禮失則求之野今朝廷欲討正禮文則苟
可以備稽考者宜博訪而取質焉欲乞下州縣委守令
訪問士大夫或民間有蓄藏古禮器者遣人即其家圖
其形製送議禮局從之紀事本末卷一百三十三
丙寅呂惠卿復宣奉大夫提舉明道宮任便居住紀事本末

卷百三十

戊辰詔受命寶增鎮國二字紀事本末卷一百二十八

日異

十二月案錢大昕朔閏已卯責授安化軍節度使峽州

居住張商英任便居住紀事本末卷百三十一案商英

英故有別業在宜都也京從都省批狀依所申商英又以書謝京其略曰久在山林少與士人通從惟見里巷

道途市肆開所張大榜所寫版壁一多是乙酉年太
 師當國時行下詔旨惟國土方田一二事乃太師去位
 後印本願下以此類聚前後朝旨著之本章稱述聖德
 私心本欲朝延知在外州縣監司不能奉行德意遇為
 經緩爾不謂言者乃以商英作表以播四方全不照會
 自有朝旨再三戒勵敢有隱庇奏劾以聞況今偏州陋
 邑燒示往往存在而刻石於知州廳者方且護以絳儒
 頃以金字豈待商英之傳播也商英累年老病無望生
 全荷太師恩德自齋骸骨獲歸敝廬敢布一言於左右
 尚觀台慈察而憐之又以狀謝京其略曰遠投荒微殆
 從魚腹之遊內徙便州僕遂孤邱之志恩私所結涕淚
 兼流伏念商英遭遇累朝黃緣近輔蚊負山而力竭簞
 測海而器盈自詣悔尤稍知循省杜門補過初無伯氏
 之怨言下石趨時安得山中之謗楚賴公明之洞照究
 心迹之弊他奪于眾口之唾遊假以
 一枝而安翼闔門感荷百口歡欣

戊戌朝議大夫葉祖洽知洪州
 紀事本末卷二十四原
 注云大觀二年十二月

二十三日
 治知洪州

續宋編年資治通鑑十二月葬靖和皇后案十朝綱
 要宋史本紀作壬寅日京都事略作壬辰日宋史本
 紀九月癸酉皇后王氏出冬十一月乙丑上大行皇
 后諡曰靖和十二月壬寅陪葬靖和皇后於永裕陵

三年正月附靖和皇后為惠恭編年備要云紹興七年改諡

恭

大觀三年二月

案錢大昕辨開考是月丙子朔

庚子臣僚上言伏見降

授朝請大夫知和州胡師文昨為發運使獨御

案畢建

議將當二銅錢改鑄當十銅錢自古積山之利以銅鑄

錢不聞以錢鑄錢當二錢法與小平錢輕重相等故私

鑄不禁而自止民間便之此神宗皇帝之良法也師文

諂奉大臣妄亂變更將已行當二錢毀而改鑄識者痛

心詔胡師文提舉萬壽觀

紀事本末卷百三十六

三月

案錢大昕辨開考是月乙巳朔

壬戌張邦昌定制算學文宣王廟

從祀人合封爵自風后封上谷公至隋盧太翼封成平

男合六十六人

紀事本末卷百三十五原注按吳時傳時為員外郎方輿算學欲以黃帝為先

三

三

三

師時言春秋釋奠孔子止中祀數學乃六藝之一若以
 黃帝為先師又奏七十人但擬從祀初未加封爵卻恐十一
 月七日所奏合附在三月十八日以前須細考之案洪
 適容齋三筆卷十三大觀中置算學如庠序之制三年
 三月詔以文宣王為先師充鄒荆三國公配饗十哲從
 祀而列自昔著名算數之人繪像於兩廊加五等之爵
 中書舍人張邦昌定其姓名風后大撓隸首容成箕子商
 高常儀鬼史區巫咸九人封公史蘄卜徒父卜偃梓慎
 卜楚邱史趙史墨裨窳周榮方甘德石申鮮于妄人耿
 壽昌夏侯勝京房翼奉李尋張衡周興單巽樊英郭璞
 何承天宋景業蕭吉臨孝恭張胃玄王樸二十人封
 伯郎平劉洪管輅趙達祖冲之殷紹信都芳許遵耿詢
 劉焯劉焯傳仁均王孝通瞿曇羅李淳風王希明李鼎
 祚邊岡郎顗襄楷二王十人封子司馬季主洛下閎嚴君
 平劉徽姜岌張邱建夏侯陽甄鸞盧太翼九人封男考
 其所條具固有傳記無聞而高下等差殊為乖謬如司
 馬季主嚴君平止于男爵鮮于妄人洛下閎同定太初
 曆而妄人封伯閎封男尤可笑也十一月又改以黃帝
 為先師宋史禮志中書舍人張邦昌定算學封風后上
 谷公箕子遼東公周大夫商高柳夷公大撓學封風后上
 首陽周公容成平都公常儀秦卜徒父頤陽伯晉卜
 巫咸河東公晉史蘇晉陽伯晉史趙高都伯魯卜楚邱
 平陽伯魯梓慎汝陽伯晉史趙高都伯魯卜楚邱昌衍

伯鄭神憲榮陽伯趙史墨易陽伯周榮方美陽伯齊甘
德苗川伯魏石申陸虛伯漢鮮于妄人清泉伯耿壽昌
安定伯張侯勝任城伯周興慎陽伯單翼奉良成伯李尋
平陵伯郭璞西鄂伯宋何承天昌盧伯北齊宋景業廣
陽伯晉郭璞臨湘伯宋孝承天昌盧伯張胄北齊宋景業廣
宗伯隋蕭吉臨湘伯宋孝承天昌盧伯張胄北齊宋景業廣
王樸東平伯漢鄧平新野子劉洪蒙陰子魏管輅平原
子吳趙達穀城子宋祖沖之范陽子後魏殷紹長樂子
北齊信都芳樂城子北齊許道高陽子隋耿詢胡熟子
劉焯昌亭子劉炫景城子唐傅仁均博平子王孝通介
休子瞿曇羅居延子李治風昌樂子王希明瑯邪子李
鼎祚贊皇子邊嗣成安子漢郎觀陽子襄楷陽子
司馬李主夏陽男洛下閭閻中男嚴君平廣都男魏劉
徵徂鄉男晉姜岌成紀男張邱建信成男夏侯陽平陸
男後周甄鸞無錫男
隋盧太翼成平男

續宋編年資治通鑑三月上親試舉人賜賈安宅等
七百餘人及第出身有差案十朝綱要宋史本紀乙
丑賜禮部奏名進士及第出身六百八十五人宗室上舍人
通考卷三十一亦作六百八十五人宗室上舍人
二人編年備要與此同又云上製七言八句詩賜安
宅等先是小璫梁師成慧點稍知書得睿思殿文字
外庫專主傳上旨於外至是亦竄名進士籍中在
一甲第十一名中書侍郎林摠唱進士第有姓甄而

呼堅名益而呼快于是言
者論其不學傳笑中外
又孟翔為學官有古學而精于易嘗與京言本朝火
德應微有再受命之象宜更變庶事以厭之不然期
將至矣未幾於文德殿進一軸卦象如平日所言上
大不樂乃竄翔遠方案續編年資治通鑑上脫書五
月今據九朝編年備要陳氏畢氏通鑑編次畢通鑑
作乙巳朔日蔡條錄圍山叢談二孟翔有古學而精
于易魯公重之用為學官常謂公言本朝火德應中
微有再受命之象宜更年號官名一變世事以厭之
不然期將近不可忽魯公聞而不樂屢止勿狂言大
觀三年夏五月天子親朔於文德殿百僚班欲退翔
於班中出一軸所畫卦象亦白解釋如平言以笏張
圖內唐突以獻上亦不樂編管遠方而翔死明年改
元政和時事稍金人始易當是時人疑孟翔之言頗
驗其後十七年金人始易當是時人疑孟翔之言頗
又詔中外官司輒敢申明衝改御筆處分者以大不
恭論案編年備要云政和三年詔應承受御筆處分
無故違限一年者徒二年一日加一等三日以大不
恭論舊制凡詔令皆中書門下詔而後命學士為之
至熙甯間有內降手詔作御書手詔達御筆以違制
坐之事無巨細皆託而行焉有不類上札者而羣下
皆不敢言也曾敏行獨醒雜志卷八云崇甯四年中
書奉行御筆時蔡京欲行其私意思三省臺諫多有

駁難故請直以御筆付有司其或阻格以違制罪今
考崇甯四年政和三年紀事本末未載豈三次申明
與抑事或有誤故存此俟考宋史吳敏傳云京薦之
充館職中書侍郎劉正夫以敏未嘗過省不可京乃
請御筆特召上殿除右正司郎官御筆自此始違者
以六不恭論絲是權幸爭請御筆而繳駁之任是此
廢矣

六月案錢大昕朔閏丁丑蔡京為太師中太一宮使內

降劄子大觀錢法令舊文諸當十錢在京京畿四輔京

東京西河北河東陝西路並許行使河北緣邊登萊

密州緣海鎮城寨堡及四權場不在行使之限今增入

下項諸當十錢在京京畿四輔京東京西河北河東陝

西路並許行使河北緣邊州軍縣鎮城寨堡及四權場

等并登萊密等州緣海縣鎮城寨堡等並不在行使

之限紀事本末卷百三十六案續宋編年資治通鑑六

月蔡京罷京專國日久公弼等交論其姦上亦厭

京遂能為太一宮使初上為端王時太史局有郭天信者言王當有天下及得位言驗得寵每奏天文必指陳以城京密白日中有黑子上為之恐乃疑京故太師罷至冬京致仕仍期望大朝會計立宰相班

尚書左僕射兼門下侍郎魏國公蔡京為太師中太一

宮使請給恩並依現任宰相例制略曰明哲保身雖弗

居於寵利忠嘉告后當無廢于燕閒尚懋遠圖以膺多

福紀事本末卷一百三十一

辛巳太學生陳朝老上書曰蔡京姦雄悍戾詭詐不情

徒以高才大器自處務以鎮壓天下以為自古人臣惟

一切因循苟簡以為治無敢橫身為國建義立制者於

是出而銳意更張以為天下後世無以復加陛下傾心

俯納所用之人惟京為聽所行之事惟京為從故蔡京

得以恣其姦佞玩弄無所畏忌直欲敗壞而後已

紀事本末

卷百三十一 案朱史蔡京傳云事諫交論其惡遂致仕

猶提舉修哲宗實錄改封楚國朝卿望太學生陳朝老

追疏京惡十四事曰瀆上帝罔君父結與授輕爵祿廢

費用變法度妄制作喜導諛籍臺諫熾親黨長奔競崇

釋老竊士木矜遠略乞投界遠方以

棄其書出士人爭相傳寫以為實錄

請遂州鈐轄司隨移瀘州 長編卷三百二十五載元豐

瀘州事原注云大觀三年六月戊申詔置瀘南安撫事原注

二十八載元豐五年七月戊申詔置瀘南安撫事原注

云大觀三年六月八日瀘南安撫司奏請乃四月十九

日指揮此時奏請或詔下而未移數今姑輟以存此

壬午臣僚上言伏以方田之制即周官土均之法也辨

五物九等制天下之地征蓋所以均之非所以增之也

訪聞京西南路將方田十等併作五等又欲以河南府

比附輕重地有肥瘠田有等差則賦有輕重豈可一概

比附而增之也況詔書方田之意止欲均其稅賦今乃

於額外增添多至數倍至今民間詞訴不絕漸至逃移

三

非經久之策所有今來張徽言建議乞不施行詔依宋

史石公祠傳公為謂徽言指仍以徽言送吏部與合入

差遺西紀事本末卷百三十八案文獻通考卷五載河北

至均稅不過十等第一等雖出十分之稅地土肥壤尚

以爲輕第十等只均一分多是瘠鹵出稅雖少猶以爲

重苦不入等而依條只收柴蒿錢每頃不過百錢至五

地與柴蒿之地不相遠乃依例每畝均稅一分外只將第

等之合折第一等中下三折畝均稅如第十等每

以十畝折第一等中下三折畝均稅如第十等每

頗之類是也詔諸路繁行其法

朝老上書言陛下即位以來五命相矣有若韓忠彥

復相執中何爲者耶是猶以蚊負山也案宋史本紀

辛巳以何執中爲特進尚書左僕射兼門下侍郎

通鑑朝老上書在庚寅日通鑑續編云執中一意謹

事蔡京遂代爲首相印天下之人鼓舞有若更生及相執

京之姦解其相印天下之人鼓舞有若更生及相執

中外然失望執中雖不敢肆為非法若蔡京之
人一身驟然受珍已深豈庸庸之天下敗壞至此如
黃絳攀附致位二府亦以大幸遽俾經體贊元是猶
以收貨山多見其不勝任也疏奏不報宋史居中傳
賜第信陵坊以爲淺隘更徙金順坊甲第嘉會成功
獨帝親書鉅額以示寵執中與蔡京並相凡營立皆
讓略無所建明及張商英爲相惡其出已上與鄭
濟之

七月

案錢大昕朔閏

甲寅復安化軍節度副使張商英

考是月甲辰朔

爲通議大夫提舉玉局觀

紀事本末卷一

百三十一

丁亥詔馬政近經分撥所降指揮

案錢大昕朔閏

八月

考是月癸酉朔

丁亥詔馬政近經分撥所降指揮

案錢大昕朔閏

考是月癸酉朔

不相照應今後應緣馬事可

案錢大昕朔閏

崇甯二年正月二十四

案錢大昕朔閏

考是月癸酉朔

日指揮並隸樞密院

紀事本末卷一百三十八

案宋史兵

紀事本末卷一百三十八

案錢大昕朔閏

張誠一副承旨張山甫經度置權

案錢大昕朔閏

不隸樞密院都承旨

案錢大昕朔閏

案錢大昕朔閏

僕寺有當白朝廷處分者樞密院主之

案錢大昕朔閏

又云熙甯中詔

案錢大昕朔閏

案錢大昕朔閏

舊屬羣牧司者專隸太僕寺直達樞密院

案錢大昕朔閏

不由尙書省

案錢大昕朔閏

案錢大昕朔閏

及駕部至崇甯中
如詔如元豐舊制

己丑詔學校法度已見完備惟在奉行可令諸路提舉

學事司檢察州縣如稍有懈弛及輒有妄議按劾以聞

當議重責紀事本末卷

九月案錢大昕朔閏考是月壬寅朔庚戌詔廣南東路英連等六州鑄

錢院只鑄夾錫并小平錢更不兼鑄當十錢紀事本末卷百三十

六

十月案錢大昕朔閏考是月壬申朔庚寅引進耀州觀察使帶御器械

專切提點陝西等路解鹽王仲千言契勘解鹽舊法歲

收鹽三十四萬六千九百一十五席一百八十觔爲額

昨自措置後來大觀二年種收新鹽三十八萬一千五

百八十八席二十二觔并大觀三年種收三十五萬三

百九十四席一百七十一觔連併二年敷過舊額欲乞
先次通行西京河陽汝州仍每歲更支鹽三萬席通見
支陝西等路鹽數共二十三萬席爲額候將來種收大
段增廣別具奏乞通展舊法解鹽地分從之

紀事本末
卷百三十

七

續宋編年資治通鑑夏六月至冬十月不雨江淮大

旱案畢通鑑云是歲江淮荆浙福建大旱秦鳳皆成

飢發粟賑之謂其賦東都事略黃葆光傳他日因入

對徽宗以早乾爲憂葆光退而上疏曰陛下德足以

感人而憂勤無懈身致治無所不至而天意感召

和氣此臣之所以不能無疑也臣嘗仰觀天意俯察

人言旁考古今君臣相與之際求其所以致陰陽之

變者然後喟然曰人君有屈己之下其所以致陰陽之

柔順報上之意者能致陰陽之意者能致陰陽之變

之心而人臣無柔順欽承之意者能致陰陽之變

下恭儉敦樸以光天下師臣蔡京侈大過制非所以

明君臣之分陛下以紹述爲心京所行乃背元豐之

法陛下隨宜損益追崇先烈京強悍自尊不肯上承

德意兼太宰鄭居中少宰余深依違畏避不能任天

卷之五十一 宋史 卷之五十一

下之責此天氣下而地不應大臣不能尚德

又冬十月大雨震電案宋史五行志十月戊申京師

大雨雹薛通鑑作癸丑據朔閏考是月壬申朔無癸

丑日畢云薛

又甘露降尚書省案李重十朝綱要云十一月壬子

甘露降尚書省左僕射左右丞廳及制敕院上作詩

賜執政以下宋史五行志三年冬月甘露降于尚書

省及六曹御製七言四韻詩賜執政已下其後內自

禁中及宣和殿延福宮神霄宮下至三學開封府大

理寺宰臣私第皆有之歲歲拜表稱賀吳曾能改齋

漫錄卷二云大觀三年十一月壬子尚書省甘露降

御筆以中臺布政之所天意昭格致此嘉祥因成四

韻以記其實賜執政而下云政昭格致此嘉祥因成四

中臺贊萬機夜迢垂珠濡綠葉朝凝潤玉弄清輝仙

盆雲表秋難止豐草零日未稀木自君臣俱會合

更嘉報上美能歸據四史朔閏考是月辛丑朔壬子

乃十日

十一月案錢大昕朔閏未太常寺言被旨天文算學

合奉安先師并配享從祀繪像未合典禮可令禮官講

究以聞臣等切詳黃帝獲寶鼎迎日推策舉風后力牧
常儀大鴻以治民順天地之紀幽明之占死生之說使
大撓造甲子隸首作算數容成綜之所以考定氣象建
五行察發斂起消息正閏餘其精粗顯微無不該舉今
算學所習天文厯算三式法算四科其術皆本於黃帝
宜尊黃帝爲先師而以其時之臣風后力牧大鴻大撓
隸首容成與區常儀爲配饗又以後世精於數術者隨
其世次分繪兩廡以爲從祀今具下項風后力牧云云
已上七十人今欲擬從祀紀事本末卷百三十五原注
云此據記旨并三月十八日
所書實錄皆不書三月十八日已用孔子爲先師吳時
云云可考悉此奏台在三月十八日以前認旨誤編入
此或移著彼庶先後不差須考詳云案通鑑續編云風
后等八人爲配享巫咸等七十二人爲從祀紀事三月
十八日載張邦昌定從祀人自風后至隋盧太翼六十
六人茲云七十人數均不合以容齋三筆核之蓋六十
賈真台也臨受揚公誦

六人中有風后而無力牧太鴻紀事刪節無考李重十
朝綱要云以黃帝爲先師以風后力牧等八人爲配享
又以後世精于術數者自巫咸箕子至後周王朴等七
十人爲從祀又王海卷一百十二大觀三年十一月算
學尊黃帝爲先師風后等配饗
商巫咸至周王朴七十人從祀

己巳太師中太一宮使魏國公蔡京守太師致仕仍提
舉編修哲宗皇帝實錄進封楚國公其請俸并雜給人
從等並依舊朝朔望大朝會許立宰臣班餘依故事又
詔蔡京合得致仕恩澤外長子顯謨閣直學士承議郎
提舉醴泉觀攸除樞密直學士次子宣義郎僚除直祕
閣餘依故事侍御史毛注言孟翊妖姦以天文惑眾嘗
獻京詩言涉不順京輒喜而受之因以獻易書而賜官
卒致詆誣以冒重辟而京不復愧恥張懷素惡逆以地
理惑眾京熟與之游從京妻葬地卜曰懷素主之嘗同

游淮左題字刻石後雖陰令人追毀以掩其迹而眾所
共知以至尙書省事多不取旨直行批下以作陛下之
威重祿厚賞下結人心以作陛下之福林攄跋扈之黨
而置之政本之地宋喬年姦雄之親而置之京尹之任
考之以心揆之以事其志有不可量者今並盤旋輦轂
久而不去其情狀已可見矣紀事本末卷一百三十一

十二月

案錢大昕朔閏考是月午木朔

戊子

提舉玉局

觀張商英爲龍

圖閣學士

知杭州

乘驛赴闕

案乾道臨安志大觀三年十二月癸酉以通議大夫

提舉成都府玉局觀張商英知杭州詔比閱哲廟實錄

乘驛赴闕與此差十六日必有一誤

見商英紹聖初力排元祐姦惡迹狀甚明具載信史昨

崇甯初止緣與大臣議論不合罷政迹其本心實非朋

黨雖已出籍自今仍不得依元祐黨籍人體例施行并

有是除命紀事本末卷百三十一
案玉海卷四十九大

和七年六月十四日七朝實訓書成
張商英撰神宗政典六卷三十篇宣

辛卯呂惠卿復資政殿學士紀事本末卷百三十

續資治通鑑長編拾補卷二十八 錢唐王崇鼎輯注